

Սակայն որո՞նք են շարժառիթները: Հետագայ տեղեկություններից մեզ յայտնի է, որ Հայոց Հայրապետը Կեսարիայում ձեռնադրուելու համար պէտք է ունենար Փոքր Հայքի եպիսկոպոսների երաշխաւորական նամակները¹⁹⁶: Յունական վարքի խմբագիրը թերեւս փորձել է այդ հանգամանքն արտացոլել յիշեալ հատուածում:

Վերջում նշենք, որ Հ. Պ. Անանեանն անդրադարձել է նաեւ Հռիփսիմեան կոյսերի Հայաստան գալու ժամանակին, որը նա համարում է 313 թուականը եւ հակուած է կարծելու, թէ իր առաջարկած թուագրումը մեծ նպաստ է բերելու Հարցի լուսաբանութեանը¹⁹⁷: Այս խնդրի մասին մենք խօսեցինք վերեւում, ուստի, այնուամենայնիւ, մտադիր չենք նրան ի նորոյ անդրադառնալ: Տեղին յիշենք միայն, որ տարիներ առաջ Վաղարշապատի Ս. Հռիփսիմէ եկեղե-

ցու հարեւանութեամբ կատարուած պեղումները ի յայտ բերեցին, այսպէս կոչուած, քոյրական գերեզմանոց, որը ոչ մի կասկած չի թողնում, որ Հռիփսիմեան կոյսերի նահատակութիւնը ոչ թէ առասպել է, այլ իրականութիւն, ուստի եւ հազիւ թէ կարելի է լրջօրէն քննարկել Մ. Աբեղեանի այն տեսակէտը, թէ՛ «Դժուար է թէ որեւէ իրական պատմական բան լինի, բայց եթէ այն, որ իրօք Վաղարշապատում նահատակուած են եղել կոյսեր»¹⁹⁸:

Մենք փորձեցինք համակողմանիօրէն քննարկել Մեծ Հայքի թագաւորութիւնում քրիստոնէութեան պետական կրօն հռչակման խնդիրը: Եզրակացութիւնը միանշանակ է. քրիստոնէութիւնը Հայաստանում հռչակուեց պետական կրօն 305 թ. մայիսից յետոյ ընկած շրջանում, ամենայն հաւանականութեամբ, ամռանը:

ԱՐՇԱԿՈՒՆԵԱՑ ՀԱՅԱՍՏԱՆԻ ՍԱՀՄԱՆՆԵՐՆ ԸՍՏ ՓԱԽՍՈՍ
ԲՈՒԶԱՆԴԻ «ՀԱՅՈՑ ՊԱՏՄՈՒԹԵԱՆ»

Յակոբ Յարութիւնեան

Արշակունեաց Հայաստանի վարչատարածքային հարցերի ուսումնասիրութիւնը եղել եւ այժմ էլ մնում է հայագիտութեան կարեւորագոյն խնդիրներից մէկը: Նրանով զբաղուել են մի շարք նշանաւոր հայագէտներ, որոնց թւում են Հ. Ղ. Ինճիճեանը, Հ. Հիւբշմանը, Ե. Մարկուարտը, Բ. Պատկանեանը, Յ. Մանանդեանը, Ս. Երեմեանը եւ Բ. Յարութիւնեանը, որոնք կատարել են կարեւոր եւ ուշագրաւ ուսումնասիրութիւններ այդ խնդրի տարբեր տեսանկիւնների շուրջ¹: Լուծումների համար գլխաւորապէս հիմք են ընդունում մեր մատենագիրներից Անանիա Շիրակացու (կամ, ըստ ուրիշների, Մովսէս Խորենացու) «Աշխարհացոյց»-ի տուեալները որին շատ դէպքերում լրացնելու է գալիս Փաւստոս Բուզանդն՝ իր «Հայոց պատմութեամբ», երբ խօսք է գնում Դ. դարի վերաբերեալ: Ներկայ աշխատանքում մենք հանգամանօրէն կ'անդրադառնանք Դ. դարի Արշակունեաց Հայաստանի պետական եւ երկրի ներսում գոյութիւն

ունեցած վարչատարածքային սահմանների արժարժման խնդրին:

Երբ ամենայն մանրամասնութեամբ զննում ենք Բուզանդի երկասիրութիւնը՝ «Հայոց պատմութիւնը», ապա միանգամից աչքի է զարնում մի օրինակափութիւն: Պատմիչն առաւել շատ ուշադրութիւն է յատկացնում երկրի չորս կողմերից երկուսին՝ արեւմուտքին եւ յատկապէս հարաւին, որն առաջնակարգ դեր եւ նշանակութիւն ունէր: Իսկ ի՞նչ հանգամանքով է դա պայմանաւորուած: Մեր կարծիքով պատասխանն առաւել քան պարզ է եւ յստակ. երկրի չորս կողմերից ամենաանհանգիստը, ինչպէս ցոյց է տուել պատմութեան ողջ ընթացքը, հանդիսացել է հարաւը, հակառակ որին արեւելքն աչքի է ընկել յարաբերական հանգստութեամբ, իսկ հիւսիսն ու արեւմուտքը այս երկուսի միջեւ զբաղեցրել են միջանկեալ դիրք: Վերջին երկուսից դժուար է որեւէ մէկին նախապատուութիւն տալը, բայց այս դատողութիւնների լաւագոյն փաստարկ կարող է հանդիսանալ Արտաշէս Ա արքայի կողմից (Բ. ա. 189-160 թթ.) Մեծ Հայքը միաւորելու ընթացքում վարած քաղաքականութիւնը: Այդ միաւորումը, ինչպէս յայտնի է, նա սկսեց արեւելքից, ապա շարժուեց հիւսիս: Ողջ այս ընթացքում Հայոց արքան հետապնդում էր մէկ հիմնական նպատակ, այն է՝ ստեղծել իր համար պլացդարմ (մարտայնանդաշտ, ռազմայնանդաշտ)՝ դէպի արեւմուտք եւ հարաւ արշաւելու համար: Արեւմուտքում գտնուում էր դէպի արեւելք ձգտող Հռոմէական հանրապետութիւնը, իսկ հարաւում հոգեվարք ապրող Սելեւկեաններն էին: Արտա-

196 Կասկած չկայ, որ որոշակի շարժառիթներով Փոքր Հայքի եպիսկոպոսներին նման իրաւունք վերապահել էր Կեսարիայի մետրոպոլիտը, քանի որ նա՝ մի կողմից օրինակաւորութիւն էր հաղորդում ձեռնադրութեանը, իսկ միւս կողմից՝ մետրոպոլիտի եւ կայսեր անհամաձայնութեան դէպքում Փոքր Հայքի ոչ մի եպիսկոպոս կաթողիկոսական թեկնածուին երբեք երաշխատրական նամակ չէր տալ:

197 Հ. Պ. Անանեան, Ս. Գրիգոր Լուսաւորչի ձեռնադրութեան թուականը..., էջ 175

198 Մ. Աբեղեան, Հայոց հին գրականութեան պատմութիւն, հտ. Ա, Երեւան, էջ 172

1 Ղ. Ինճիճեան, Հնախօսութիւն աշխարհագրական Հայաստանեաց աշխարհի, հտ. Գ, Վեներտիկ, 1835. Հ. Հիւբշման, Հին հայոց տեղւոյ անունները, Թարգ. Հ. Բ. Պիլէգիկեանի, Վիեննա, 1907. Jos. Markwart, Sildarmenien und die Tigrisquellen nach griechischen und arabischen Geographen, Wien, 1930. К. Патканов, Армянская география VII-го века по р. Хр., СПб, 1877. Я. А. Манандян, Когда и кем была составлена «Армянская география», притисываемая Моисею Хоренскому, - "Византийский временник", М., 1947, сс. 127-143. Ս. Ս. Երեմեան, Հայաստանը ըստ «Աշխարհացոյց»-ի, Եր., 1963. Բ. Յարութիւնեան, Մեծ Հայքի վարչա-քաղաքական բաժանման համակարգն ըստ «Աշխարհացոյց»-ի, մաս Ա (արեւմտեան եւ հարաւային աշխարհներ), Եր., 2001:

չէսը հաստատ զգում էր, որ վերջինս այնուհանդերձ պայքարելու է, իսկ Հռոմի հետ փոխյարաբերութիւնները դեռ անորոշ էին (ըստ Ստրաբոնի)²:

Նոյնպիսի, եթէ ոչ առաւել վատթար, պայթիւնավտանգ իրավիճակ Արշակունեաց Հայաստանում ստեղծուել էր Պապի (368-374 թթ.) գահակալութեան սկզբին: Տարբերութիւնը նրանում էր, որ Արտաշէսը պայքարելու էր միայն արտաքին թշնամիների, իսկ Պապը՝ թէ՛ ներքին, թէ՛ արտաքին հակառակորդի դէմ՝ ի դէմս Սասանեանների: Մի շարք նախարարութիւններ ապստամբել էին կենտրոնական իշխանութեան դէմ եւ իրենց հռչակել անկախ: Եթէ ուշադիր հետեւում ենք, ըստ Բուզանդի, Պապի կողմից Արշակունեաց Հայաստանի տարածքային ամբողջականութեան վերականգման ծրագրին, ապա աչքի են զարնում երկու օրինաչափութիւն: Առաջին՝ միաւորուել են երկրի արեւելքում (այդ թւում՝ հիւսիս-արեւելքում եւ հարաւ-արեւելքում) գտնուող իշխանութիւնները, երկրորդ՝ հնագանդեցուել են բղջիսութիւնները: Համաձայն Փաւստոսի՝ Հայոց բանակը Մուշեղ սպարապետի հրամանատարութեամբ ճնշել է ապստամբութիւնները Ատրպատականում, Նոշիրակա-

նում, Մարաց կողմերում, Աղուանքի սահմաններում, Կասպից երկրի սահմաններում³: Դրան յաջորդել է, ինչպէս մասնանշեցինք վերելում, բղջիսութիւնների սանձահարումը, որոնցից Նոր Շիրականը (այն հարաւ-արեւելքում էր) եւ Կորդուքը (նրանից արեւելք, այստեղով պարսից զօրքերը մշտապէս ներխուժում էին Հայաստան), արդէն հնագանդեցուել էին, եւ մնացել էին Գուգարքն ու Աղձնիքը⁴: Պապն իրեն ենթարկեց նաեւ նրանց:

Վերամիաւորման այս ցանկում առանձնանում է մի կարեւոր «օրինաչափութիւն» եւս:

Մենք նշեցինք, որ Արտաշէսը նախ արշաւել է արեւմուտք, ապա հարաւ, իսկ Պապը, հակառակ նրան, սկզբում կարգաւորել է իր գործերը հարաւում, իսկ ամենավերջում իրեն է ենթարկել Մեծ Մոփքը, Անգեղ տունը եւ Անձիտը, որոնք բոլորն էլ հարաւում էին⁵: Ինչով էր պայմանաւորուած այսպիսի քաղաքականութիւնը: Արտաշէսը լիովին համոզուած չէր Հռոմի բարեկամութեան եւ բարեացակամութեան խնդրում: Այդ ժամանակներից յետոյ հոսել էին շատ ջրեր եւ այժմ (Պապի օրօք)՝ մ. թ. Դ. դ. կայսրութեանն անհրաժեշտ էր միասնական եւ ուժեղ Հայաստանի առկայութիւնը, որը լինելու էր յենակէտ՝ Սասանեանների դէմ պայքարում: Հէնց սա էր պատճառը, որ Հռոմը մ. թ. Ա. դ. սկսած (երբ իշխում էին պարթեւները) հրաժարուեց Հայաստանը պրովինցիա հռչակելու մտադրութիւնից, այն դէպքում, երբ հոռմէացիները պրովինցիալ քաղաքականութեան մէջ ձեռք էին բերել մեծ հմտութիւն եւ վարպետութիւն:

Մանրամասն նկարագրելով Արտաշէսեան Հայաստանի վերամիաւորումը՝

3 Տե՛ս Փաւստոսի Բիւզանդացոյ Պատմութիւն Հայոց, Թիֆլիս, 1912, Ե, ք-ժոյ
4 Տե՛ս անդ, Ե, թ, Ժ, ԺԵ, ԺԶ
5 Անդ, Ե, ԺԵ, ԺԶ, ԺԷ

2 Արտաշէսի՝ չորս ուղղութիւններով կատարած արշաւանքների վերաբերեալ մանրամասն վկայում է յոյն պատմիչ-աշխարհագրագետ Ստրաբոնը: Տե՛ս The Geography of Strabo, London, 1960, XI, 14, 5: Նրան որոշ չափով լրացնելու է գալիս Խորենացին (Տե՛ս Մովսէս Խորենացի, Պատմութիւն Հայոց, քԱ. քԱԳԻԻԻ և Աերած. Մ. Արեղեանի և Ս. Յարութիւնեանի, լրաց. Ա. Բ. Սարգսեանի, Եր. 1991, Բ, ԺԳ): Արտաշէս 1-ի վերամիաւորիչ գործունէութեանը անդրադարձել են շատերը (օրինակ՝ տե՛ս Յ. Մանանդեան, Քննական տեսութիւն հայ ժողովրդի պատմութեան, սկզբից մինչև Արշակունիների հաստատումը Հայաստանում (66 թ. մ. թ.), - Երկեր, հտ. Ա, Եր., 1977, էջ 118-124. Հայ ժողովրդի պատմութիւն, հտ. I, Հայաստանը նախնադարեան համայնական և ստրկատիրական կարգերի ժամանակաշրջանում, խմբ. Ս. Տ. Երեմեանի, Եր., 1971, էջ 526-534 (հեղ.՝ Գ. Խ. Սարգսեան):

Ստրաբոնը Հայաստանը յիշատակելիս շատ քիչ է օգտագործում վարչատարածքային բաժանմանը վերաբերող յատուկ տերմիններ (ինչպէս վարուել է օրինակ Պլինիոս Աւագը՝ ստրատեգիա կամ պրեֆեկտուրա) եւ պարզապէս թուարկում է մի քանի անգամ «եպարխիա» կոչուած գաւառներ: Եթէ այլ երկրների վերաբերեալ Ստրաբոնն օգտագործում է սֆրաքիա (նշանակում է «կնիք»), եպարխիա եւ այլն, ապա Մեծ Հայքի կապակցութեամբ՝ աւելի շատ՝ ten peri tin (չրջակայքը), merae (մասեր) եւ նմանատիպ այլ արտայայտութիւններ: Փաւստոսի աշխատութիւնը հեղեղուած է վարչական բաժանմանը վերաբերող տերմիններով, որոնցից են՝ Հայոց (մեծ) աշխարհ, նահանգ, (կողմերի) գաւառ, (գիւղի) սահման, եկեղեցու տարածքի սահման, հայրենի հողի սահման, բաժանման սահման, բղջիս(ութիւն)... Սակայն նրա մօտ երբեմն առկայ է յախուռն եւ խառնաշփոթ շարադրանք: Պատմիչն, օրինակ, Մոփքը անուանում է ե՛լ նահանգ, ե՛լ գաւառ, չնայած որ նա տեղեակ է երկու Մոփքերի (նաեւ Շահունեացի) գոյութեանը: Յատկապէս մանրամասն են նրա վկայութիւնները հարաւում տեղակայուած Աղձնիք եւ Կորդուք (Կորճայք) նահանգների վերաբերեալ: Հարաւային սահմանների անվտանգութեան կապակցութեամբ նա գրում է՝ «պարտ է նոցա քաղաք մի շինել յերկրին Հայոց, ի մի մի գաւառսն, որ մին մի քաղաքս, որ երկուս երկուս ամուր պարսպաւորս զօրանիստս հաստատել ընդ ամենայն երկիրն Հայոց, մինչեւ ի Գանձակ սահման

երկիրն, որ Պարսից կուսէ էր, Հայոց սահման էր...»⁷: Թէ ինչպէս էր անցնելու այդ դեմարկացիոն բաժանարար գիծը, գիտէր նրա հեղինակը՝ Մուշեղ սպարապետը: Ձի բացառում նաեւ Բուզանդի իրագեկութիւնը, սակայն նա երեւի ինչ-ինչ պատճառներով աննպատակաբար է համարել դրա մանրամասն լուսաբանումը:

Բուզանդը Մեծ Հայքի բոլոր նահանգներից առաւել յաճախակի անդրադառնում է Այրարատին (երբեմն կոչելով նաեւ գաւառ), իսկ բացարձակապէս լռում է Ուտիք, Բարձր Հայք եւ որոշ այլ նահանգների կապակցութեամբ: Երբեմն, չխօսելով որեւէ նահանգի, ինչպէս օրինակ Պարսկահայքի մասին, նա յիշատակում է նրա կազմում գտնուող Չարաւանդ գաւառը⁸: Մենք այստեղ նպատակ չունենք թուարկելու բոլոր այն գաւառների անունները (դրանց թիւը Փաւստոսի մօտ անցնում է 30-ից), որոնց նա անդրադառնում է, բայց դրանք ընդգրկում են երկրի բոլոր շրջանները՝ սկսած Սպեր, Անձիտ, Անգեղ տուն, Բասեն, Դարանաղի, Եկեղիք, Կարին եւ այլ գաւառներից արեւմուտքում, մինչեւ Փայտակարան քաղաքը (Կասպերի կամ Կասպից երկրում, որը նոյնանուն նահանգն է), Նոր Շիրականը, Հերք, Չարաւանդը եւ Ուտիքի Շակաշէնը՝ արեւելքում: Նոյն կերպ հիւսիսում նշուած են Տայքն ու Գուգարքը, իսկ հարաւում, նահանգներից զատ (որոնց մասին մենք խօսեցինք վերելում), նաեւ Տմորիք, Կորդրիք եւ այլ գաւառները:

Այժմ մեզ անհրաժեշտ է Փաւստոսի վերոյիշեալ բոլոր վկայութիւնները բերել ընդհանուր յայտարարի: Շարադրանքից պարզ երեւում է, որ Դ. դ. Մեծ Հայքի սահմաններն արեւելքում տարածուել են մինչեւ Կասպից ծով, ինչպէս եւ Արտաշէ-

6 Նոյն տեղում, Գ, ք, Դ, իո: Մոփքերի խնդիրը ամենայն մանրամասնութեամբ պարզաբանում է Բ. Յ. Յարութիւնեանի կողմից (Տե՛ս Բ. Յ. Յարութիւնեան, Մեծ Հայքի թագաւորութեան հարաւարեւմտեան երկրամասերի վարչաքաղաքական կացութիւնը III դարի վերջին և IV դարի սկզբին, - ԲԵՆ, 1982, թիւ 2, էջ 89, նաեւ նոյնի՝ Մեծ Հայքի վարչաքաղաքական բաժանման համակարգը ըստ «Աշխարհացոյց»-ի, էջ 114-115, passim):

7 Փաւստոս Բուզանդ, Ե, 17, (ՄԷ, հտ. Ա, էջ 403)
8 Նոյն տեղում, Գ, ք

սի օրօք էր: Նոյն կերպ համարեա ոչ մի դժուարութիւն չի ներկայացնում հիւսիսային սահմանների ուրուագծումը Կոլր գետով: Իր «Պատմութեան» ամենասկզբում մազքութիւնների Սանեսան արքայի հայկական արշաւանքին անդրադառնալիս Բուզանդը գրում է. «Եկն (Սանեսանը - Յ. Յ.) անց ըստ իւր սահմանն ընդ գետն մեծ ընդ Կոլր, եւ եկն տարածեցաւ ելից գերկիրն Հայոց աշխարհին»⁹: Այս մասին վկայում է նաեւ Խորենացին, բայց չափազանց անորոշ գրելով. «...բնակիչք հիւսիսոյ Կաւկասու...»¹⁰:

Արեւմտեան սահմանի վերաբերեալ Փաւստոսը խօսում է Հռոմին հարեւան մի շարք գաւառների կապակցութեամբ, որոնք 387 թ. Մեծ Հայքի պետութեան առաջին բաժանումից յետոյ անցան կայսրութեանը: Խօսքը 11 գաւառների եւ սատրապուլթիւնների մասին է: Իրավիճակը կրկին կը մնար անհասկանալի եւ «չվերծանուած», եթէ այս անգամ օգնութեան չգային Խորենացին եւ Հռոմէացի մատենագիր Ամմիանոս Մարկելլինոսը: Երբ Խորենացին խօսում է Վաղարշակ արքայի մասին, ապա Բագրատի նշանակման վերաբերեալ գրում է. «Իսկ ի ծայրս հայերէն խօսից կողմնակալ, իշխան բիւրոց եւ հազարաց, յարեւմտից կուսէ»¹¹: Սա եւս մնում է անորոշ, եւ համարեա թէ ոչինչ չի տալիս նաեւ յաջորդ գլուխներից մէկը, որը Պատմահայրը վերնագրել է «Եթէ որպէս կարգեաց Վաղարշակ զարեւմուտս եւ զհիւսիսի մերոց աշխարհիս»: Աւելի ուշ

նա նշում է, որ նոյն Վաղարշակը Տորքին «...հաստատէ կուսակալ արեւմտից...», եւ այդ պատճառով էլ տարածքը կոչուել է Անգեղ տուն¹²: Այն գտնուում է Աղձնիքի արեւմուտքում՝ Եփրատի ափին: Ինչպէս վկայում է Ամմիանոսը, երբ Պապը փախել է Տարսուսից եւ վերադարձել հայրենիք, ապա հայ-հռոմէական սահմանագիծ է եղել Եփրատը¹³: Հարաւ-արեւմուտքում սահմանն անցել է Ծոփքով, որը Մեծ Հայքն անջատել է Հայոց Միջագետքից: Արեւմուտքում եւս այն անցել է Եփրատով, որտեղ Մեծ Ծոփքից հիւսիս Բարձր Հայքն է: Որ Եփրատն այս մասում իր ողջ հոսանքի երկարութեամբ սահմանագիծ է եղել, վկայում են ե՛ւ Ստրաբոնը, ե՛ւ Շիրակացին (նրանից եօթ դար անց)¹⁴: Այս երկու նշանաւոր գործիչների միջեւ ընկած ժամանակաշրջանում է ստեղծագործել Փաւստոսը, որը վկայում է, որ Վաղես կայսրից (364-378 թթ.) դժգոհ Արշակ Բ-ն հրամայել է Վասակ սպարապետին. «...հարկանէր աւար առնոյր զկողմանս Գամրաց մինչեւ ի քաղաքն յԱնկուրացւոց...»¹⁵: Եփրատի արեւմուտքում գտնուող Կապադովկիան այս

12 Նոյն տեղում, Բ, ը
 13 Ammiani Marcellini Rerum Gestarum, Libri Qui Supersunt, v. II, London, 1963, XXX, 1, 8
 14 Strabo, XII, 3,38, XI,14,1: Տե՛ս նաեւ Ս. Տրեման, Գ2. աշխ, էջ 100, 105: Այստեղ տե՛ս Յաւելուս Ա - «Աշխարհագրոց»-ի՝ Մեծ Հայքի եւ հարեւան երկրների քարտեզը պարունակող ընդարձակ բնագրի գլուխները (փորձ բնագրի վերակազմման), որտեղ «Առաջին Հայքի մասին», «Կապադովկեան Պոնտոսի մասին», «Մեծ Հայքի մասին» գլուխներում Եփրատը նշում է որպէս հայ-կապադովկեան սահմանագիծ: Այդ սահմանն անցել է Բարձր Հայքի Աղիւն, Դարաւաղի եւ Ծոփքի՝ Դեզիք, Գարեք գաւառներով, ապա Անձիտի վրայով ձգուել դէպի արեւելք (մանրամասն տե՛ս Բ. Յ. Յարութիւնեան, Մեծ Հայքի վարչաքաղաքական բաժանման համակարգ...», էջ 61-64, 129-131, ինչպէս նաեւ Յ. Փ. Յարութիւնեան, Ծոփքը եւ Ծոփքի թագաւորութիւնը ըստ Ստրաբոնի «Աշխարհագրութեան», ԲԵՂ, 1996, թիւ 1, էջ 67-74):
 15 Փաւստոս, Դ, Ժա

9 Նոյն տեղում, Գ, է
 10 Խորենացի, Գ, Թ: Սանեսանի այս արշաւանքի հանգամանալից քննարկումը տե՛ս Բ. Յ. Յարութիւնեան, Մազքթաց Սանեսան թագաւորի արշաւանքը Հայաստան,- ԼՂԳ, 1981, թիւ 6, էջ 65-77: Հայաստանի Ֆիւսիսային սահմանների մասին մանրամասն տե՛ս Ա. Ա. Ակոբյան, Албания-Алуанк в греко-латинских и древнеармянских источниках, Ереван, 1987, сс. 90-96.
 11 Խորենացի, Բ, Գ

ժամանակ ինչ-որ տեղ պայմանական տեղանուն էր, քանզի մ. թ. 17 թ. այն արդէն նուաճուել էր Հռոմէական կայսր Տրեբրիսի կողմից (14-37 թթ.) եւ այդ ժամանակից վերածուել պրովինցիայի: Նոյնիսկ երկրի մայրաքաղաք Մաժաքը, ի պատիւ Օգոստոսի, վերանուանուեց Կեսարիա:

Առաւել բարդ է հարաւային սահմանի հարցը: Ինչպէս նշեցինք վերեւում, այն երկրի ամենահռոմէական հատուածն էր: 296-297 թթ. պարսկահռոմէական պատերազմի աւարտից յետոյ ստորագրուեց Մծբինի 40-ամեայ հաշտութեան պայմանագիրը, որի մասին առաւել մանրամասն վկայում է Չ. դ. բիւզանդացի պատմիչ Պետրոս Պատրիկիոսը. «Արդ՝ դեսպանութեան առաջադրած գլխաւոր կէտերը հետեւեալներն էին. Արեւելեան երկրամասում հռոմէացիներին են պատկանելու Անգեղ տունը, Ծոփքը եւ Աղձնիքը, Կորդուքի եւ Ծաւղէքի հետ միասին. Հայաստանի սահմանը լինելու էր Ջինթա ամրոցը, որը գտնուում է Մարաստանի սահմանում: Վիրքի թագաւորը իր թագաւորական նշանները պէտք է ստանայ հռոմէացիներից»¹⁶: Եթէ վերոյիշեալ հինգ անդրտիգրիսեան երկրամասերի հետ կապուած հարցերը պարզ են¹⁷, ապա խիստ դժուար եւ անորոշ է Ջինթայի խնդիրը: Մեր կարծիքով՝ այդ կապակցութեամբ կարելի է տալ միայն ենթադրութիւններ, բայց անհնարին է հաստատա-

16 Petrus Patricius, Fragm. 14 (Dindori Historici graeci minores, I), էջ 443: Պայմանագրի վերաբերեալ համաձայն տե՛ս նաեւ Ruffi Festi (Sexti), Breviarum rerum gestarum populi Romani, ed. Forster, 1874, XIV, Eutropii Breviarum historiae Romanae rec. Fr. Ruehl, Lipsiae, 1897, IX, 24-25, Aurelii Victoris, Liber de Caesaribus, rec. F. Pichimayr, Lipsiae, 1911, XXXIX, 33-37
 17 Բ. Յ. Յարութիւնեան, Մեծ Հայքի ... վարչաքաղաքական կացութիւնը, էջ 79-94: Այս խնդիրը մանրամասն քննարկուել է նաեւ մեր կողմից (տե՛ս Յ. Փ. Յարութիւնեան, Հայաստանի հարաւային երկրամասերը IV դարում,- Հասկ) հարաւային երկրամասերը IV դարում,- Հասկ) հարաւային երկրամասերը IV դարում, Անթիլիաս, 1997, էջ 111-123):

պէս որեւէ միտք պնդելը: Խօսքը վերաբերում է Ջինթայի տեղադրութեանը, որը Ս. Երեմեանը լուծում է խիստ «պարզ եւ հասարակ»: Ինչպէս դիպուկ նկատում է Բ. Յարութիւնեանը, Պատրիկիոսը հինգ երկրամասերը թուարկել է արեւմուտքից արեւելք¹⁸, որի պարագայում Ջինթան պէտք է գտնուէր ծայր արեւելքում, այսինքն՝ այնտեղ, որտեղ տեղադրում է Ս. Երեմեանը՝ Մարաց Ամուր աշխարհում, իսկ աւելի ստոյգ՝ Մահկերտ տանը (Փոքր Ջաբ գետի ափունքներում)¹⁹: Այստեղ Մարաստանի հետ կապուած պէտք է նկատի ունենալ կա՛մ բուն Մարաստանը, որը ներկայիս Իրանի հիւսիս-արեւմուտքում էր, կա՛մ մեծ Մարաստանը, այն է՝ Մարական աշխարհակալ կայսրութիւնը՝ Վրկանից եւ Պարթեւստանից մինչեւ Փոքր Ասիայի արեւելքում գտնուող Հալիս գետը: Պատրիկիոսին, մեր կարծիքով, ժամանակագրական առումով աւելի մօտ էր Բ տարբերակը, եւ սերունդները նախ պէտք է մոռանային բուն (փոքր) Մարաստանի, ապա միայն կայսրութեան մասին: Ս. Երեմեանը նաեւ աւելացնում է, որ Ջինթան նոյն Իգիրտունն է, որը բազմիցս յիշատակուում է ասորեստանեան աղբիւրներում: Նրա համար «սկզբնաղբիւր» է հանդիսանում Յ. Մանանդեանը, որն առաջինն է առաջադրել նման ենթադրութիւն: Իգիրտունն, քաջ յայտնի է, որ եղել է Ման(ն)ա պետութեան մայրաքաղաքը, որի կործանումից յետոյ (մօտ 615-610 թթ. Բ. ա.) նուաճուել է Մարաստանի կողմից: Այս առումով իրաւացի է Ն. Յարութիւնեանը, որը Իգիրտունն եւ Մանան չի կապում Մարաստանի հետ²⁰: Դժուար է գուշակել, թէ ինչպէս Իգիրտունն

18 Բ. Յ. Յարութիւնեան, Մեծ Հայքի ... վարչաքաղաքական կացութիւնը, էջ 83
 19 Տե՛ս Ս. Տրեման, Գ2. աշխ, էջ 52, ինչպէս նաեւ՝ Արա կողմից հրատարակուած բազմաթիւ քարտեզները:
 20 Н. В. Арутюнян, Топонимика Урарту, Ер., 1985, с. 87

կարող է կերպարանափոխուել Ձինթայի, բայց այժմ ստոյգ պարզ է, որ նրանք չունեն եւ ոչ մի կապ Մարաստանի հետ:

Փաւստոսը Մահկերտ տունը յիշատակում է մէկ անգամ: Նա վկայում է, թէ ինչպէս այն ապստամբել է շատերի նման օրինազանցների այդ շարքն ունի այսպիսի տեսք եւ յաջորդականութիւն՝ Աղձնիք, Նոշիրական, Մահկերտուն, Նիհորական, Դասսընտէ եւ վերջում կրկին Աղձնիք²¹: Ինչպէս տեսնում ենք, ցանկն ունի խիստ խառնաշփոթ, յախուռն տեսք, եթէ հարցին մօտենում ենք պատմաաշխարհագրական տեսանկիւնից: Կարելի է ենթադրել, որ պատմիչը հետեւել է իրադարձութիւնների ժամանակագրական յաջորդականութեանը: Նոյն իրավիճակն է նաեւ, երբ մեր պատմիչը նկարագրում է այդ ապստամբութիւնների ճնշումը Մուշեղ սպարապետի կողմից, որտեղ արդէն խօսուում է ոչ թէ առանձին Մահկերտան, այլ նաեւ մարերի (Մարաց Ամուր աշխարհի) մասին: Այս ցանկը եւս ունի խառնաշփոթ տեսք: Տարածքների յաջորդականութիւնն այսպիսին է՝ Նոշիրական, Կորդուք, Կորդրիք, Տմորիք, մարեր, Արցախ, աղուաններ...²²:

Իր բազմաթիւ քարտէզներում Ս. Երեմեանը ողջ Մարաց աշխարհը պատկերում է Մեծ Հայքից դուրս՝ այն դիտարկելով որպէս կախեալ տարածք կամ պետութիւն: Ինչ վերաբերում է Պատրիկիոսին, ապա նա մատնանշում է, որ «...Հայաստանի սահմանն է յիմելու (ընդգծումը մերն է - Յ. Յ.)» Ձինթան, եւ ոչ թէ ինչ-որ կախեալ տարածք: Բացի այդ, պատմիչը չի նշում, թէ կոնկրետ հարաւային սահմանի որ հատուածի մասին է խօսքը, իսկ Ս. Երեմեանը «գտնում» է, որ դա վերաբերում է հարաւարեւելքին: Նոյն յաջորդութեամբ, սակայն, դա կարելի է վերադրել հարաւային սահ-

21 Տե՛ս Փաւստոս, Դ, 8
22 Նոյն տեղում, Ե, 10-11

մանի իւրաքանչիւր հատուածի, քանզի հայկական լեռնաշխարհի ողջ հարաւային սահմանի երկայնքով (Ուրմիա լճից սկսած) նախկինում գոյութիւն է ունեցել Մարական կայսրութիւնը (Է.-Ձ. դդ. Ք. ա.): Ք. յ. Դ. դ. Մեծ Հայքի սահմանը հարաւում հասել է մինչեւ հիւսիսային լայնութեան 37⁰-ի գուգահեռականը: Հարաւարեւելքում այդ շրջանում է գտնուել Պարսկահայք նահանգի Արասի (Ովեա) գաւառը, իսկ հարաւի կենտրոնում՝ Կորճայքում, տեղակայուած են եղել Ներքին եւ Միջին Կորդրիք գաւառները:

Իրավիճակն այլ է, երբ գննում ենք «Հայաստանի պատմութեան ատլասը», որտեղ Նոր Շիրականի բեռնաթան տարածքի մէջ է նաեւ Մահկերտ տունը, իսկ Ուրմիա լճի հարաւային եւ արեւելեան սփերով ձգւում են Արշակունի արքաների ձեռնարկած արեւելեան լայնութեանը: Ինչ վերաբերում է Ձինթային, ապա այն ատլասում իրաւացիօրէն բացակայում է²³: Սա աւելի մօտ է իրականութեանը, քանզի Պատրիկիոսի վկայութիւնն այդ ամբողջ կապակցութեամբ խիստ յեղեղուկ է: Եթէ Մարաց Ամուր աշխարհը համարուէր կախեալ տարածք, ապա ապստամբութեան դէպքում, Հայոց արքայից գատ, այնտեղ կարող էր բանակ ուղարկել նաեւ մէկ ուրիշը (կարելի էր կառավարիչ, թէ արքայ), որը տեղի չի ունեցել: Աւելին, Փաւստոսը յայտնում է մեր այս վերջին, թէական ենթադրութեանը հակասող տեղեկութիւն: Ըստ նրա՝ Արշակ Բ-ի դէմ ապստամբած Նոր Շիրականի, Մահկերտ տան, Նիհորականի, Դասսընտէի եւ այլ տարածքների կառավարիչներն իրենց անկախ հռչակելուց յետոյ հէնց իրենք են դիմել պարսից Շապուհ Բ-ին՝ ակնկալելով օգնութիւն նրանից եւ «...պարիսպ ածէին ի Հայոց կուսէ՛ որ Զո-

23 Տե՛ս Բ. Յ. Յարութիւնեան, Հայաստանի պատմութեան ատլաս, մաս Ա, Եր., 2004, էջ 44-45-ի քարտէզը (Լ, 4)

րայն կոչեն, դրունս դնէին, գատուցին զիւրեանց աշխարհ ի Հայոց»²⁴:

Արշակունեաց պետականութեան հետագայ քաղաքական զարգացման ընթացքում, չնայած կատարուած մակընթացութիւններին եւ տեղատուութիւններին, որոնք տեղի էին ունենում 338 թ. սկսած (Մծբինի 40-ամեայ պայմանագրի ժամկետի աւարտից յետոյ), այնուհանդերձ, պետութեան սահմանները մնացին անփոփոխ: Մենք վերեւում կանգ առանք Պապի կառավարման ընթացքում կատարուած իրադարձութիւնների վրայ, բայց նոյնպիսի ընդգծումներ տեղի էին ունեցել նաեւ նախկինում՝ Խոսրով Գ-ի, Տիրանի եւ Արշակի օրօք, որոնց մասին խօսեցինք վերեւում:

Սակայն 363 թ. կատարուած դէպքերը Մերձաւոր արեւելքում շրջադարձային նշանակութիւն ունեցան հայոց պետականութեան զարգացման ապագայ ընթացքի համար: Այս մասին վկայում է Փաւստոսը, որին գալիս է լրացնելու Ամմիանոսը: Համաձայն վերջինիս՝ 363 թ. Յուլիանոս կայսեր անյաջող արեւելեան արշաւանքից յետոյ, որի ժամանակ զոհուեց նաեւ վերջինս, նոր կայսր հռչակուած Յովիանոսը (363-364 թթ.) պարսիկների հետ կնքեց հաշտութեան պայմանագիր, որն Ամմիանոսը կոչում է «ամօթալի»: Նա վկայում է «Թագաւորը (խօսքը Շապուհ Բ-ի մասին է - Յ. Յ.) յամառօրէն պահանջում էր, որ իրեն վերադարձնեն, ինչպէս նա էր ասում, այն իր երկրները, որ իրենից խլել էր Մաքսիմիանոսը, եւ պահանջում էր, ինչպէս բանակցութիւնների ընթացքում իրօք պարզուեց, մեր ազատման համար իբրեւ փրկանք հինգ գաւառներ Տիգրիսի միւս կողմում՝ Աղձնիքը (Arzanene), Մոկքը (Moxoene), Ծաւղէքը (Zabdicene), նաեւ Ռէիմենէն (Ռեհիմենէ, Rehimena) ու Կոր-

24 Փաւստոս, Դ, 8

դուքը (Corduene), հանդերձ 15 ամբողջներով, իսկ բացի այդ, Մծբինը, Սինգարան ու Կաստրա-Մաւրորումը, որն իր դիրքի պատճառով խիստ կարեւոր ամրութիւն էր»²⁵:

Պայմանագրի մասին վկայում է նաեւ Փաւստոսը. «Այլ իբրեւ եղեւ խաղաղութիւն ի մէջ թագաւորացն Յունաց եւ ի մէջ թագաւորին Պարսից Շապուհ, ուխտից նամակ գրեալ եւ կնքեալ տայր թագաւորն Յունաց թագաւորին Պարսից: Եւ գրեալ էր յուխտից նամակին այսպէս. Ետու քեզ, ասէ, զՄծբին քաղաք՝ որ է յԱրուեստանի եւ զՄիջագետս Ասորոց, եւ մէջաշխարհին Հայոց ձեռնթափ եմ, ասէ, թէ կարացես յաղթել նոցա եւ արկանել ի ծառայութիւն, ես ի թիկունս ոչ եկից նոցա»²⁶: Այստեղ Փաւստոսը, ըստ էութեան, լրացնում է Ամմիանոսի հաղորդած տեղեկութիւնը հինգ նահանգներից բացի կայսրը ձեռք բաշում նաեւ մնացեալ Հայաստանի: Ըստ էութեան, երկու պատմիչների վկայութիւնները համարեա թէ միանշանակ են, բայց Փաւստոսը աւելի յստակօրէն է շարադրում: Այսպիսով, Սասանեան Պարսկաստանը Հայաստանի նկատմամբ ձեռք բերի ազատութիւն էր ստանում, իսկ ցանկութեան դէպքում՝ այն իւրացնելու հնարաւորութիւն: Որտեղի՞ց է այս լրացումը Փաւստոսի մօտ. փաստի հիման վրայ է, թէ՞ սոսկ տրամաբանական եզրակացութիւն: Ամենայն հաւանականութեամբ, այս տհաճ փաստը միտումնաւոր կերպով լուրթեան է մատնուել Ամմիանոսի կողմից կամ, ծայրայեղ դէպքում, աննկատ մնացել մեզ անյայտ պատճառներով: Հետագայ իր շարադրանքում Փաւստոսը, ի տարբերութիւն Ամմիանոսի, անուղղակիօրէն ցոյց է տալիս, որ 363 թ. «ամօթալի» պայմանագիրը մնացել է թղթի վրայ, եւ Արշակունեաց Հայաստանը տարածքային ոչ մի

25 Amm. Marc, XXV, 7, 9

26 Փաւստոս, Դ, իս

փոփոխություններն էլ կրել: Դժբախտաբար, կատարուածի մասին ոչինչ էլ վկայում խորհրդանշան, քանզի նրա մօտ առկայ է թիւրիմացութիւն կամ ժամանակավրէպութիւն, որովհետեւ Պատմահայրը Յուլիանոսին համարում է մեր Տիրանի (338-350 թթ.) ժամանակակիցը:

Նախորդ ուսումնասիրողները՝ Կ. Գիւտերբերգը, Հ. Հիւբշմանը, Հ. Աստուրեանը, Յ. Մանանդեանը, Ն. Ադոնցը, վերոյիշեալ Անդրտիգրիսեան հինգ նահանգների իրաւաքաղաքական եւ վարչական խնդիրների ուսումնասիրութեան ասպարէզում «տուրք» են տուել սխալ եզրայանգումներ՝ գտնելով, որ դրանք 298-363 թթ. հանդիսացել են սատրապութիւններ, իսկ 363 թ. կրկին անցել Սասանեաններին²⁷: Առաջին անգամ այս թիւրիմացութիւնն ու սխալը գիտականօրէն հերքուել է Բ. Յարութիւնեանի կողմից վերոյիշեալ յօդուածում²⁸, որտեղ հեղինակն անդրադառնում է նրանց կարգավիճակին Գ. Դ. դդ. սահմանադիրին: Հետագայում Դ. դ. Անդրտիգրիսեան երկրամասերին առնչուող խնդիրները վերլուծուել են մեր կողմից, եւ ապացուցուել է, որ դրանք ոչ մի կապ կայսրութեան, իսկ առաւել եւս Պարսկաստանի հետ չեն ունեցել²⁹: Եթէ այդպէս չլինէր, ապա Մծբինի պայմանագրից կարճ ժամանակ անց, երբ քրիստո-

նէութիւնն ընդունուած էր Հայաստանում, Ագաթանգեղոսը երբեք չէր գրի. «Եւ այսպէս ընդ ամենայն երկիրն Հայոց, ի ծագաց մինչեւ ի ծագս, ձգտէր տարածանէր զմշակութիւն քարոզութեանն եւ աւետարանութեանն: Ի Սատաղացոց քաղաքէն մինչեւ առ աշխարհաւն խաղտեաց, մինչեւ առ Կաղարջօք, մինչ ի սպառ ի սահմանս Մասքթաց, մինչեւ ի դրունս Կասպից, ի Փայտակարան քաղաք արքայութեանն Հայոց. եւ յԱմդացոց քաղաքէն մինչեւ առ Մծբին քաղաքաւ, քերէր առ սահմանօքն Ասորոց առ Նոր Շիրական երկրաւն, եւ առ Կորդուօք մինչեւ յամուր աշխարհն Մարաց, մինչեւ առ տամբն Մահքըր տան իշխանին, մինչեւ յԱտրպատական ձգտէր տարածանէր զաւետարանութիւնն իւր»³⁰:

Հարաւային սահմանների կապակցութեամբ մեզ մնում է անդրադառնալ մէկ կնճռոտ հարցի եւս: Երբ այս ուղղութեամբ արեւելքից տեղափոխուած ենք արեւմուտք, ապա վիճարկելի է մնում Ծաւղէքի խնդիրը: Երբ Ագաթանգեղոսը խօսում է Գրիգոր Լուսաւորչին կաթողիկոս ձեռնադրելու կապակցութեամբ Կեսարիա մեկնած պատուիրակութեան մասին, ապա նշում է. «...առաջին՝ իշխանն Անգեղ տան, երկրորդ՝ իշխանն Աղձնեաց, որ է բղեաշխն մեծ. երրորդ՝ իշխանն մարդպետութեան իշխանութեանն, չորրորդ՝ իշխանն թագակապ իշխանութեան ասպետութեանն, հինգերորդ՝ իշխանն սպարապետութեան, զօրավար Հայոց աշխարհին. վեցերորդ՝ իշխանն Կորդովտաց աշխարհին, եօթներորդ՝ իշխանն Ծոփաց աշխարհին. ութերորդ՝ իշխանն Գուգարացոց աշխարհին, որ միւս անուանեալ բղեաշխն. իններորդ՝ իշխանն Ռշտունեաց աշխարհին. տասներորդ՝ իշխանն Մոկաց աշխարհին. մետասներորդ՝ իշխանն Սիւնեաց

27 Կ. Գիւտերբերգ, *Հոռովմէական Հայաստան եւ Հոռովմէական սատրապութիւնները Դ-Ձ դարերում*, թարգ. Մ. Նորշումաճի, Վիեննա, 1914, էջ 7-8. Հ. Հիւբշման, *Աշխ.*, passim. Յ. Աստուրեան, *Քաղաքական վերաբերութիւններ ընդմէջ Հայաստանի եւ Հոռովմայ, 190էս. Բ. մինչեւ 428 յ. Բ.*, Վենետիկ, 1912, էջ 261-262. Յ. Մանանդեան, *Երկեր*, հտ. Բ, էջ 115-116. Ն. Ադոնց, *Հայաստանը Յուստինիանոսի դարաշրջանում, Քաղաքական կացութիւնը ըստ նախարարական կարգերի*, թարգ. Ա. Թ. Խոնդկարեանի եւ Հ. Խոնդկարեանի, Եր., 1987, էջ 55

28 Բ. Յ. Յարութիւնեան, *Մեծ Հայքի ... վարչաքաղաքական կացութիւնը*, էջ 79-93

29 Յ. Ժ. Յարութիւնեան, *Հայաստանի հարաւային երկրամասերը*, էջ 111-120

30 Ագաթանգեղայ Պատմութիւն Հայոց, աշխատ. Գ. Տէր-Մկրտչեան եւ Ստ. Կամայեանց, Տփլիս, 1909, 842, ճի գլուխ

աշխարհին. երկոտասներորդ՝ իշխանն Ծաւղէից աշխարհին. երեքտասներորդ՝ իշխանն Ուտիացոց աշխարհին. չորեքտասներորդ՝ իշխանն շահապ Զարաւանդ եւ Հեր գաւառի. հնգետասներորդ՝ իշխանն մաղխազութեան տանն. վեշտասներորդ՝ իշխանն Արծրունեաց»³¹: Այս շարքում 12-րդ տեղում յիշատակուած Ծաւղէքը չունի եւ ոչ մի կապ հարաւարեւմուտքում գտնուող Ծաւղէքի հետ, քանզի առաջին Ծաւղէքի կողքին 11-րդ տեղում նշուած են Սիւնեաց, իսկ 13-րդում՝ Ուտիացոց իշխանները: Ագաթանգեղոսը տուեալ դէպքում անվիճելիօրէն նկատի ունի Արցախը: Երկու Ծաւղէքների գոյութեան վերաբերեալ միտքն արտացոլուած է նաեւ Ե. դ. մատենագիր Եղիշէի մօտ: Վերջինս, երբ անդրադառնում է Յագկերտ Բ-ի՝ Հայաստան առաքած հրովարտակին, առաջին Ծաւղէքին զուգահեռ յիշատակում է Վրաց, Աղուանից, Լփնաց աշխարհները, իսկ երկրորդ դէպքում՝ «...ի սահմանս Տաճկաստանի եւ ի Հոռոմոց աշխարհն եւ ի Կորդուաց եւ ի Դասն եւ ի Ծաւղէ եւ յԱրզնարզիւն...»³²: Ծաւղէքի հարցը քննարկել են ակադ. Յ. Մանանդեանը եւ Ս. Երեմեանը: Յ. Մանանդեանը, երբ անդրադառնում է Արշակունեաց Հայաստանի սահմաններին Տրդատ Մեծից մինչեւ 363 թ. ընկած ժամանակահատուածում, ապա իրաւացիօրէն գրում է. «Հայաստանի ծայրաշխարհներն էին այստեղ (Տրգրիսի աջ կողմում - Յ. Յ.), ինչպէս կաթիլի է՝ եզրակացնել Ագաթանգեղոսի, Փաւստոսի ու Զօրանամակի վկայութիւններից՝ «Ծաւղէից աշխարհը, Աղձնիքը եւ Մեծ Ծոփքը, յատկապէս, այժմեան Մարդիկից մի քանի կլիւմետր հեռաւորութեան

վրայ գտնուող Արշակունեաց թագաւորների Բնաբեղ բերդը, որի մէջ պահուում էին արքունի գանձերը»³³: Այս Բնաբեղը գուցէ չպէտք է շփոթել Ծաւղէքի Բնաբեղի հետ: Առաջինը գտնուում էր Մեծ Ծոփքում, որտեղ պահուում էր արքունական գանձերի մի մասը³⁴, իսկ երկրորդը գտնուում էր Ծաւղէքում եւ այժմ յայտնի է Բենաբիլ գիւղ անունով: Ինչ վերաբերում է Ս. Երեմեանին, ապա վերջինս «Հայ ժողովրդի պատմութեան» ակադեմիական հրատարակութեան 2-րդ հատորին կցուած ներդիր քարտեզում, որը կոչուում է «Մեծ Հայքի թագաւորութիւնը Դ. դ. (298-385 թթ.)», ոչ լրիւ հիմնաւորուած, Ծաւղէքը, Արուաստանը եւ յարակից շրջանները դուրս է թողել Մեծ Հայքի թագաւորութեան տարածքից՝ դրանք ուղղակի անուանելով «այլ թագաւորութիւններ»³⁵: Բայց անակնկալները սրանցով չեն աւարտուում, քանզի նոյն դրքի «Մեծ Հայքն ըստ «Աշխարհացոյց»-ի քարտեզում Ծաւղէքը հիւսիսում եւ արեւելքում Մեծ Հայքից անջատուած է պետական սահմանով, իսկ հարաւում եւ արեւմուտքում ունի այնպիսի սահմաններ, ինչպիսին ունեն երկրի ներսում իրարից բաժանուած գաւառները (դրանք հեղինակը որակել է որպէս կախեալ տարածք): Ս. Երեմեանը գտնում է, որ Բ. յ. 37 թ. Ծաւղէքը միացուել է Պարթեւստանին եւ գտնուել է Հայոց Միջագետքի կազմում՝ կոչուելով Տուր-Արդին (ըստ նրա՝ Հայոց Միջագետքում են եղել նաեւ Արուաստանը եւ Ծոփքը)³⁶: Անհնար է, որ Պետրոս Պատրիկիոսը Մծբինի պայմանագրում նկատի ունենար

31 Նոյն տեղում, 795, ճժԲ գլուխ
32 Եղիշէի վարդապետի վասն վարդանայ եւ հայոց պատերազմի. տե՛ս Առաջին Բ. Ա. Արտյոնյան, *Административное деление Закавказских владений Сасанидского Ирана согласно труду Елише, "Кавказ и Византия"*, вып. I, Ереван, 1979, с. 25

33 Յ. Մանանդեան, *Աշխ.*, էջ 310
34 Փաւստոս, Ե, է
35 Տե՛ս Հայ ժողովրդի պատմութիւն, հտ. II, Հայաստանը վաղ ֆեոդալիզմի ժամանակաշրջանում, խմբ. Ս. Տ. Երեմեանի, Երեւան, 1984 (ներդիր քարտեզը)
36 Տե՛ս Ս. Տ. Երեմեան, *Հայաստանը ըստ «Աշխարհացոյց»-ի*, էջ 66, 69, 71, 118

արեւելքում գտնուող Ծաւղէքը, որն ընդհանրապէս գերծ է մնացել այդ ժամանակ (296-297 թթ.) տեղի ունեցած քաղաքական անցուղարձից: Պատրիկիոսեան Ծաւղէքին է անդրադառնում նաեւ Ամմիանոսը՝ 363 թ. հաշտութեան պայմանագրի կապակցութեամբ, իսկ ազաթանգեղոսեանը արեւելեան Ծաւղէքն է: Պատկերն աւելի պարզեցնելու համար երեք մատենագիրները վկայութիւնները ներկայացնենք ըստ նրանց ցանկերի՝ հետեւեալ (թէկուզ եւ ոչ ժամանակագրական) յաջորդականութեամբ՝ Պատրիկիոս, Ազաթանգեղոս, Ամմիանոս.

Պատրիկիոս	Ազաթանգեղոս	Ամմիանոս
Ինգելենէ	Անգեղ տան իշխան (1)	
Մոփք	Մոփքի իշխան (7)	
Աղձնիք	Աղձնեաց իշխան (մեծ բղեշխ - 2)	Աղձնիք
Կորդուք	Կորդուց իշխան (6)	Կորդուք (5)
Ծաւղէք		Ծաւղէք (3)
	Մոկաց իշխան (10)	Մոկք (2)
		Ռե(հ)իմենէ (4)
	Ծաւղէից իշխան (խօսքն արեւելեան Ծաւղէքի մասին է) (12)	

Այս ցանկերը պարզորոշ ցոյց են տալիս բոլոր նմանութիւններն ու տարբերութիւնները, որոնք առկայ են նրանց վկայութիւններում: Պատրիկիոսի եւ Ամմիանոսի մօտ հինգից համընկնում են երեքը՝ Աղձնիքը, Կորդուքը եւ Ծաւղէքը: Որ Շա-

պուհ Բ-ն 363 թ. հետ է պահանջել հէնց դրանք (ինչպէս նաեւ հարաւի կենտրոնում գտնուող Մոկքը եւ Ռէիմենէն), խօսում է նրա մօտակայ նպատակների մասին՝ հարաւից երկատել Հայաստանը եւ Հռոմին թողնել նրա արեւմտեան փոքրիկ հատուածը: Դա կատարուեց աւելի ուշ՝ 387 թ.:

Այսպիսով, 298 թ. սկսած Արշակունեաց Հայաստանի տարածքը վարչականօրէն մնացել է անփոփոխ: Նոյնպիսի իրավիճակ շարունակել է գոյութիւն ունենալ նաեւ 363 թ. «ամօթալի» պայմանագրից յետոյ, որով կայսրութիւնը Սասանեաններին է զիջել հինգ հայկական նահանգ: Պայմանագիրը Արշակի կողմից համարուել է ապօրինի, ինչը եւ իր կիզակէտին է հասցրել պարսկա-հայկական (Շապուհ-Արշակ Բ) փոխյարաբերութիւնների լարուածութիւնը եւ հանդիսացել է վերջինիս ձերբակալութեան ու մահուան հիմնական դրդապատճառներից մէկը: Մէջտեղից վերացնելով Հայոց արքային՝ Շապուհը կարծում էր, թէ կը կարողանայ կենսազործել իր ծրագիրը՝ զաւթել անդրտիգրիսեան նահանգները, սակայն անօգուտ:

Եթէ 363 թ. պայմանագիրը կենսազործուէր, ապա Շապուհի համար լիովին անիմաստ էր պարսկա-հայկական Քառամեայ պատերազմի (364-368 թթ.) սանձազերծումը, իսկ դրանից յետոյ ամբողջական Մեծ Հայքի գահին չէին բազմի Պապը, Վարազդատը եւ Արշակ Գ-ն: Որ Շապուհն իսկապէս մտադրուել էր նուաճել Հայաստանը, ինչպէս նշեցինք վերեւում, պարզորոշ երեւում էր «ամօթալի» պայմանագրի այն հատուածից, ուր Փաւստոսը գրում էր. «... մէջաշխարհին Հայոց ձեռնթափ եմ...»: Երբ համեմատում ենք Փաւստոսի եւ Ամմիանոսի երկերը, առաջին հայեացքից թւում է, թէ վերջինս աւելի հանգամանալից է շարադրում իրադրութիւնը, բայց մեր մատենագիրն առաւել իրատեսօ-

րէն է բացայայտում, թէ ինչ էր սպասուում Արշակունիներին մօտ կամ հեռաւոր ապագայում:

Ողջ շարադրանքի ընթացքում մենք կատարեցինք մէկ միտումնաւոր բացթողում՝ ոչինչ չսանելով Մոկքի վերաբերեալ: Դա պարզապէս անիմաստ էր, քանզի, ինչպէս ցոյց տրուեց մեր վերլուծութեան ողջ ընթացքում, Դ. դարում Ծաւղէքը մշտապէս հանդիսացել է Արշակունեաց Հայաստանի անբաժանելի մաս: Մոկքը հարաւից սահմանակից էր վերջինիս եւ Կորդուքին, այսինքն, թերեւս, չէր կարող ունենալ արտաքին սահման (թէպէտ «Աշխարհացոյց»-ում այդպէս վկայուած է): Հէնց այս պատճառով էլ Մոկքի խնդրի քննարկումը դառնում է անիմաստ: Ինչ վերաբերում է Ամմիանոսի յիշատակած Ռէիմենէին, ապա նրա տեղադրութիւնը կարօտ է առանձին ուսումնասիրութեան, քանզի աղբիւրների վկայութիւնները նրա մասին խիստ սակաւ-

են եւ կցկտուր: Ամենայն հաւանականութեամբ, ամմիանոսեան Ռէիմենէն համապատասխանում է Փաւստոս Բուզանդի Արուստանին, որը գտնուում է Կորդուքից հարաւ-արեւմուտք եւ Ծաւղէքից հարաւ (համաձայն Ս. Երեմեանի)³⁷: Ըստ Բ. Յարութիւնեանի՝ այն պէտք է գտնուէր Աղձնեաց բղեշխութիւնից հարաւ-արեւմուտք եւ Ծաւղէքից հարաւ, բայց, այս անգամ եւս ցուցաբերելով գիտական պարտաճանաչութիւն, հեղինակը Ռէիմենէի դիմաց դրել է հարցական նշան (?)³⁸:

Այսպիսով, ըստ Փաւստոս Բուզանդի, Արշակունեաց Հայաստանի հարաւային սահմաններն արեւելքից արեւմուտք ձգուել են Մահկերտուն, Նիհորական, Նոր Շիրական, Դասն, Կորդուք, Ծաւղէք Ռէիմենէ(?), Մեծ Մոփք, Անգեղ տուն երկրամասերի վրայով: Այս սահմանագիծը պահպանուել է մինչեւ 387 թ. Մեծ Հայքի թագաւորութեան առաջին բաժանումը:

37 Տե՛ս Աոյն տեղում
38 Բ. Յ. Յարութիւնեան, Հայաստանի պատմութեան ատլաս, էջ 44-45 (4 Ե)